

### 01.- Yiñán ma'an gunin sò' sa gata

Si-nuhui Ma'án gunin sò' sa gata  
daj hua diú nne nê' hiaj  
dadin' atoj si-nuhui Ma'an Ña'anj an  
ni giran' yi'ì nej si-staduj

Ganari sò' nnej e riñan sò'  
ni gañanj nne rune ñan sò'  
ni si giyichin' si dugue'e sò'  
//riñan Ma'an si-señot//.

daran' nej guì gini'hiaj riñan sò'  
ni ga'min duku ninj riñan sò',  
nan huin si-nuhui Ña'anj ni' gataj ninj.  
sa hua hue'ê riñan hio'óo.

### 02.- Sò' huin sa garan Ma'an

Sò' huin sa garan ma'án  
gachra rè' ruhuâ nimanj  
chra' gi'hiaj ganahuin nihià' ruhuâj  
guyu'huí sanj dugumîn rè' ma'án.

//Nùkuaj ruhuâj ni'ín Ma'an Ña'anj an//

### 03.- Sò' huin Da'an

Sò' huin Da'an, sò' huin si-Rey  
sò' huin Señor Jesús  
ni ngà du'huá gànàtàj rayi'í rè'  
si sò' huin Rey ni Ma'an Señor

nne rè' guendâ gi'hiâ rè' sa nikaa  
nne rè' guendâ ginikaj sun rè' riñanj  
si-nùguàn' rè' huin sa nikaj sun riñanj  
//ni riñanj ginikaj sun si-nùguàn' Ma'an rè'//.

ganahuin nùkua  
ngà sa nùkuaj riki Ma'an Señor.  
Nùkuaj ruhuâj ni'ín Ma'an Ña'anj an

#### 04.- El nazareno

Ma'an Nazareno giran'  
Sañun rayi'î  
Rayi'î ga'hui' nej sij Ma'an  
Rayi'î gachra stanûj nej sij Ma'an  
Rayi'î duguañun nej sij Ma'an.

Ma'an Nazareno giran' sañun rayi'î  
Rayi'î ginun gachrin tanj  
ahuin Ma'an  
Rayi'î guduko' nej sij riñan rugutsî Ma'an  
Rayi'î gachri nej sij lansa Ma'an.

Ma'an Nazareno giran' sañun rayi'î  
Rayi'î giran' sañun Ma'an  
//rayi'î, rayi'î, rayi'î  
Gahui' Ma'an Rey nne yàtà'a.//

#### 05.- Naduna rè' nîmanj

Naduna rè' nîmanj  
gi'hia rè' si dagahuín riñan rè'  
naduna rè' nîmanj  
ruhuaj gane ngà Ma'an rè'

Sò' huin sa gi'hiaj ruj  
ni ñùnj huin hio'ó barru,  
naduna rè' nîmanj  
achín ni'hia riñan rè'.

naduna rè' nîmanj  
Nùnj ni'ñanj Ma'ân rè'  
Ga'na' Ma'ân rè' riñanj  
gagan' ra'â rè' ñùnj nanj ánj.

Sò' huin sa gi'hiaj ruj  
ni ñùnj huin hio'ó barru,  
naduna rè' nîmanj  
achín ni'hia riñan rè'.

Ruhuaj dagahuín riñan Ma'ân rè'  
riki rè' sa 'ì ruhuâ rè' riñanj  
naduna rè' nîmanj  
gatü Ma'ân rè' ruhuâ nimanj.

//Sò' huin sa gí'hiaj ruj  
ni ñùnj huin hio'ó barru//...

#### **06.- Guruhua Ma'an Cristo**

////Guruhuâ rè' Cristo////  
ganachi nika nê' ra'á nê'  
riñan Ma'an Cristo  
//Guruhua rè' Cristo//

#### **07.- Ni si gahui' nê'**

Ni si gane nê',  
Ni guendâ Cristo gane nê'  
Ni asa' gahui' nê',  
guendâ Cristo gahui' nê'  
Ga'hue si gane nê',  
ga'hue si gahui' nê'  
//ni guendâ Ma'an Seño huin nê'//.

#### **08.- Gahui' Jesús ni naru'hue Ma'an**

Gahui' Jesús naru'hue Ma'an  
riñan si-gakín' gañanj ge tun,  
sa nakaj nê' huin tun Jesús  
Ña'anj an ni'in ni  
nitaj si gahuin mánj.

//Nakaj tun Jesús mu'un' //  
Nikaj Ña'anj an nimân niko  
Dadin' na'nin'  
tun Jesús riñan nimun'.

#### **09.- Jehová huin sa riki yaj** (Jehova es mi pastor)

// Jehová huin sa dugumîn nê'  
nitaj a'ngô sa gachin riñun' //

// Nitaj, nitaj.  
Nitaj a'ngô sa gachin riñun' //

## 10.- Ahuin chrej huaj' rà'aj

Riñan rahue' huin Cristo  
Guendâ gaṭu' yĩnán Ña'anj an  
Si ruhuâ rè' gane yàtà'  
Si gi'hia rè' gakin' riñan Ma'an Jesús

Ahuin chrej huaj' rè' rà'aj  
'ngo rĩn rè' huin sa ni'in,  
gà' ni'in rè' si riñan Ma'an Jesús  
nàgà'huì' rè' guenda gui dan  
Ahuin chrej huaj' rè' rà'aj.

Huij chrej huin sa hua  
Ñan guchì' gane' daran' diũ  
Chrej gatĩn huin si-chrej Ña'anj an,  
Chrej gachra' huin sichrej sichre.

Chrej gatĩn huin sa giran' sañun'  
Dadin' ùta chi' hua sa ga'na'  
Nej gui gunukua ni gane ninj  
Ngà Ma'an Cristo yĩnàn Ña'anj an.

## 11.- Gara'hue' ra'a Ma'an Jesús

//Gara'hue' ra'a Ma'an Jesús  
ni ga'an ngà Ma'an//  
Gara'hue' ra'a Ma'an Jesús  
ni ga'an ngà Ma'an  
dànè' ga'anj Ma'an.  
Si Jesús gataj gunín  
gudunaj sò' daran'anj  
ni ga'na' sò' rukú  
ni ga'an dànè' huaj Ma'an  
ni ginikoj ga'an. Ni ginikoj ga'an

Si Jesús gataj gunín  
gudunaj sò' daran'anj  
ni ga'na' sò' rukú  
ni ga'an dànè' huaj Ma'an  
ni ga'an ngà Ma'an.

## 12.- Ña'anj an huin rej nê'

Ña'anj an huin rè' Rej nej ñûnj  
ûta nùkuaj Ma'an Jesús,  
hiaj a'hioj a'min Ma'an ngà nê'  
ni huin nìhià' ruhuô'  
si dagahuin' riñan Ma'an.

Nga dagahuin' riñan Ma'an  
ûta 'ì ruhuaj ni'in ma'an nê'  
daran' nej gui gunin'  
Ma'an ga'min'  
//si dagahuin' riñan Ma'an.//